


Jān Būreejtōn Henry B. Eyring

Rikakpilōklōk eo Kein Kajuon
ilo Būreejtōnji eo Kein Kajuon



Kar Pojak kōn Jimwe

Rikanaan eo an Anij ioon laḷ, Būreejtōn Thomas S. Monson, ekar kwaḷok, “Rainin, jej jeḷmae juon kain jerawiwi eḷap, mḡwil nana, im nana ko rej koba ippān doon iḡmaan mejād.”¹

Kwon kar ke bwilōn ilo aḡ ekkatak ke Būreejtōn Monson ekar kōnono kōn naan kein 50 iiō ko remootḷok? Eḷaḡḡe jaar kōpopo eḷap ḡnan jumae nana tōre ko ḡokta, ewi joḡan an men ko renana kaamijak kōj rainin? Kōn juon un eḡḡan, eḡōj an kar Irooj kwaḷok kōn tōre kein ad, “Lo, rikōjdat ekoba” (K&B 38:12).

Tariḡae in im “jej aolep pād ie”² ekar ijino ḡokta jān ad kar ḷotak tok ḡnan laḷ in. Ekar ijino ḡokta jān an kar laḷ in kar kōḡanḡan. Ekar jino elōn taujin iiō ko remootḷok ilo mour eo ḡokta, ijo Setan eaar jumae im “kappukot ḡnan kōkkure anemkwōj in kāālet eo an armej” (Moses 4:3).

Setan eaar luuji tariḡae eo im “eḡōj joḷok e ḡnan laḷ” (Revelesōn 12:9), ijo im ej wōnḡaanḷok wōt kōn tariḡae eo an rainin. Ijin ioon laḷ in “ej kōḡḡan tariḡae ippān ro rekwōjarjar an Anij, im jepooḷe peḷaakier” (K&B 76:29) ekoba riab, ḡōn, im mālijoḡ ko.

Ej tariḡae ippān rikanaan im rijilōk ro. Ej tariḡaeik kien erre im kwojarjar eo an ḡare. Ej tariḡaeik ippān baamḷe im tampeḷ. Ej tariḡaeik men ko remḡan, kwojarjar, im aorōk.

Ekōjkan ad tariḡaeik rikōjdat in? Ekōjkan ad tariḡaeik nana ko me rej waḷok ḡnan aer kapooḷ laḷ in ad? Ta ko ad kein tariḡae? Wōn ro ad rijipaḡ?

Kajoor eo an Pinmuur eo

Rikanaan Josep Smith ekar katakin bwe Setan ewōr an kajoor iood ḡe jej kōḷok bwe en anjo iood.³

Loe raan kein ad, Nipai “eaar lo kajoor in Lamb an Anij, bwe ekar buḡ ioon ro rekwōjarjar jān kabuḡ eo an Lamb eo, im ioon armej in bujen ko an Irooj, ro raar ejjeplōklōk ioon aolepān mejān laḷ; im *raar pojak kōn jimwe im kōn kajoor in Anij ilo aiboojoj eḷap*” (1 Nipai 14:14; eoon eo eaorōk kar kobaiktok).

Ekōjkan ad kapojak kōj make kōn jimwe im kajoor? Jej kōjparok raan in Jabōt im kautiej priesthood eo. Jej kōḡḡan im kōjparok bujen ko rekwōjarjar, jerbale menmenbwij eo an baamḷe ko ad, im etal ḡnan tampeḷ eo. Jej wōnḡaanḷok iien otemjej ḡnan ukweḷok im akweḷap ippān Anij ḡnan “kōjermal bōtōktōkin pinmuur eo an Kraist bwe kōmin maroḡ bōk jeorḷok in jerōwiwi ko am” (Mosaia 4:2). Jej jar im jermal im kamool im kōjermal tōmak ilo Jisōs Kraist.

Jej barāinwōt kōpooj kōj make kōn jimwe im kajoor ilo ad “kōkoni ilo ḷōḡḡak ko [ad] iien otemjej naan ko in mour” (K&B 84:85). Jej kōkoni naan kein ilo ad leḷok aolepen ad ḡnan jeje ko rekwōjarjar im ilo naan ko an ro rikaijeran Anij im ekar kālet er, ro renaaj kwaḷok Ankilan, ḷōḡḡak, im ainikien (lale K&B 68:4) ilowaan kweilok eo eḷap an allōn in tok.

Ilo tariḡae in ad ḡae nana, jej aikuj keememej bwe ewōr jipaḡ jān jimōr ijin im turājet in rōḡōl eo. Ad rijipaḡ ekoba Anij Jemed indeeo, Irooj Jisōs Kraist, im Jetōb Kwojarjar.

Rijipañ ro ad ekoba jar in tariṅae eo jen lañ im jejjab loi. “Kwon jab mijak,” Elija ekar jironlok juon emṁan eo elelñoñ ilo aer kar jelmṁae jar in tarinae eo enana, “bwe ro rej rie kōj relōñ jān ro rej rie er” (lale 2 Kiiñ ro 6:15–16).

Jej jab aikuj mijak. Anij ej iakwe rikwojarjar ro an Eban kōmake kōj.

Ijeļā bwe Anij, ilo uwaak in jar, emōj An kwaļok an jouj ṅan lōmṁoren eō jān nana. Ij kaṁool bwe kōn jipañ eo an Anij Jemed, Rilōmṁor eo an laļ, im Jetōb Kwojarjar, jemaroñ jeļā bwe jenaaj bōk eļaplok jān joñan kajoor ṅan jelmṁae jabdewōt men ko renana jej iooni.

Jemaroñ ke aolep iien kar pojak kōn jimwe bwe jen maroñ leke ippād make ilo anjō eļap.

KAKEEMEMEJ KO

1. Thomas S. Monson, “Correlation Brings Blessings,” *Relief Society Magazine*, Apr. 1967, 247.
2. “We Are All Enlisted,” *Hymns*, no. 250.
3. Lale *Teachings of Presidents of the Church: Joseph Smith* (2007), 214.

KATAK JĀN ENNAAN IN

Būreejtōn Eyring ej Kakeememej kōj bwe jej pād wōt ilo ad tariṅae nana. Komaroñ jino ilo aṁ al “We Are All Enlisted” (*Hymns*, no. 250) ippān ro kwōj katakin er. Innām komaroñ karuwaineneik er ṅan kwaļok ekōjkan aer kar maroñ lo kōjparok jān mour jimwe im kōkadu-du wāween aer kōjparok baamle ko aer jān Setan, ilo ad kālet wāween ad alooj im roñjake men ko mejatoto ilo erreō, kōmṁan kweilok an baamle, ak kōmṁan nokon in jota eo an baamle kajjojo wiik. Komaroñ kaj-jitōk ippāer bwe ren jar im kōlmenļokjen ilo būruweer ekōjkan aer kalōk dipin baamle ko aer im kapilōk er ṅan kōmṁane juon karōk ṅan kōjerbale pepe ko aer.

JODIKDIK RO

Emōj Aō Kadede Kālet

Jān Madison Thompson

Emōj aō kar bōk juon katak eo aorōk ilo juon kūlaaj eo jān Doulul eo an Jiroñ ro ikkijeen erreō—juon unin kōnono eo me ekar kōmṁan an elōñ jodikdik ro

emakutkut ilo jikin jijet ko aer. Ijjab keememej aolep men ikar ekatak ilo raan eo, ak ij keememej an ritōl eo aō kōnnaan kōn juon iaan joñok ko an make—ṅan erreō wōt iien otemjej. Naan ko an rekar pād wōt ippa, innām ṅa ikar kōmṁane kālet in ṅan bōke āinwōt juon men eo aorok ṅan eō.

Juon raan ke ikar iuwe ilo juon bus ṅan mweo imō jān juon iien ikkure eļap, juon armej ilo bus eo ekar jino juon ikkure etan truth im dare. Jekar jab limo innām ṅa im jet ajri kōm kar kobaļok. Ke ekar itok ṅan iien eo aō, rekar ba in kōmṁane juon men ijeļā bwe ejjab jimwe. Men in en kar juon kālet eo epen ṅan aō kōmṁane, ak naan ko an ritōl eo jān Doulul eo an Jiroñ ro ekar itok ṅan kōlmenļokjen eo aō, innām kālet eo ekar pidodo. Ikar ṁakoko. Emōj kadede ao kar likūt ilo aō lōmṁak ta eo inaj kōmṁane ilo wāween eo.

Ijeļā bwe ṅe jej etal ṅan mōnjar eo im kōmṁan jikin ṅan men ko emōj katakin kōj ijen, jenaaj jeraamṁan kōn kajoor eo an jetōb im kōjparok jān men in kapo ko an laļ in.

Rijeje eo ej jokwe ilo Utah, USA.

AJRI RO

Kōnak Kein Tarinae ko aṁ.

Elukkuun lōñ men ko renana ilo laļ in rainin. Gospel eo ej āinwōt juon kein pelpel ṅan kōjparok kōj. Riiti men ko 10 Būreejtōn Eyring ekar ba ṅan kōjparok kōj make. Innām jiñaike im kōjare kein pelpel eo aṁ make.

1. Kōjparok Raan in Jabōt im Kōkwojarjare
2. Kautiej priesthood eo.
3. Kōmṁani im kōjparok bujen ko.
4. Jerbale menmenbwij eo an baamle eo aṁ.
5. Etal ṅan tampeļ eo.
6. Ukweļok
7. Jar
8. Jipañ ro jet
9. Kwaļok naan in kaṁool eo aṁ.
10. Riiti jeje ko rekwojarjar



Kajoor in maroñ an Jisōs Kraist im Pinmuur eo an.

Kanooj jar ilo aṃ ekkatak kōn katak in im pukōt ñan jeḷā ta eo kwonaaj kwaḷḷok. Ekōjkan ad naaj meḷeḷe unleplep eo an Douluo eo an Kōrā ro rej kōpooj leddik ro nejn Anij ñan kōjeraamṃan ko an mour indeeo?

Tōmak, Baamḷe, Deeor

“I maroñ in kōmṃan men otemjej ilo Eo ej kakajoor eō” (Pilippai 4:13). “ewōr ad aolep mōjṃo, jej ke depḷoki,” Būreejtōn Dieter F. Uchtdorf eaar ba, Rikapilōklōk eo Kein Karuo ilo Būreejtonji eo Kein Kajuon. Ilo mool, menin ej jān tiriaṃo an Anij bwe, ñe jej kōttāik kōj make im wōr ad tōmak, mōjṃo ko ad rej erom kajoor.”¹

Ad Rilomooṃ ej ba ilo Katak im Bujen ko, “Inaaj ilok imāami. Enaaj pād ilo tuanbwij maroñin peid im ilo tuanmiñ, im Jetōb eo aō enaaj pād ilo būruwōd, im enjeḷ ro An renaaj jepool kōj, ñan jipañ kōj (lale K&B 84:88).

“Nipai ej juon waanjoñak eo ejeḷā, meḷeḷe, im kar pedped wōt kajoor in kōmaroñ eo an Rilomooṃ eo,” Elder David A. Bednar jān Douluo eo an Joñoulruo Rijilōk ro ekar ba. “Ḷōmāro jein Nipai rekar likoje kōn to ko im kar karōk ñan

kōkkure. Jouj im keememej jar eo an Nipai: “O Irooj, kōn tōmak eo aō eo ej ilo Kwe, kwōn kōjoor eō jān pein maan rein jeiū; aet, *letok ñan eō kajoor ñan timwi to kein* ko ij lokjak kaki” (1 Nipai 7:17 eoon eo eaorōk kar kobaiktok).

“. . . Nipai eaar jab jar ñan kōmṃan bwe jekjek ko an ren kar oktak. Ijjellōkin, eaar jar kōn kajoor ñan ukōt jekjek ko an. Im ij tōmak eaar jar ilo jekjek in eḷaptata kōnke eaar jeḷā, meḷeḷe, im eaar jeḷā kōn kajoor in jipañ eo an Pinmuur eo.

“Ijjab Ḷōmṃak to ko me kar lukōj Nipai kaki raar jab baj make wōtlōk jān pein im jibwin pein. Ijjellōkin, Ij enḷok ḷok eaar jeramṃan kōn jimor kije im kajoor an make eḷapḷok jān maroñ eo an make, innām bwe eaar “ilo kajoor an Irooj” (Mosaia 9:17) jermal im ukukōt im kanōk to ko, im āliktata im jejjet tata kar maroñ mejaḷ to ko.”²

Bar jet Eoon ko im Meḷeḷe ko

Aiseia 41:10; Ether 12:27;

reliefsociety.lds.org

KAKEEMEMEJ KO

1. Dieter F. Uchtdorf, “Menin Letok an Tūriaṃo,” *Liaona*, Eprōḷ 2015, 108.
2. David A. Bednar, “Strength beyond Our Own,” *New Era*, Mar. 2015, 4.

Ḷōmṃak kōn Menin

Ewi wāween an kajoor in maroñ eo an Jisōs Kraist im katok in Pinmuur eo an jipañ mōjṃo ko ad kōmṃan bwe ren kajoor?